

中央宣講團來港介紹十四五規劃綱要

首場宣講會下周一上午政總舉辦 網上及電視直播

為讓香港社會各界更好地掌握全國人民代表大會今年3月公布的「十四五」規劃綱要中國家發展戰略和對香港不同範疇的支持，香港特區政府昨日宣布，中央下星期將安排宣講團來港，通過多場會議向各界介紹「十四五」規劃綱要。首場宣講會將於下周一上午在政府總部舉辦，並設網上及電視直播。另一場宣講會則於當日下午在立法會舉行。

● 香港文匯報記者 文森

第十三屆全國人民代表大會常務委員會第三十次會議昨日閉幕。就坊間流傳昨日會表決將《反外國制裁法》列入基本法附件三，全國人大常委譚耀宗昨日從北京返港後表示，根據議事規則，委員長有權決定停止議案程序，相信中央會在合適的時候將《反外國制裁法》納入基本法附件三。他認為未作表決的決定好，可以有更多時間再考慮和研究，令條例更有效。

他表示，中央一直嚴格按照基本法和「一國兩制」，為香港長遠利益及港人福祉做事，指香港訂立香港國安法後，香港社會趨向穩定。中央會繼續支持香港，下星期會有宣講團來港講解「十四五」規劃綱要，亦繼續鼓勵香港繼續參與「十四五」規劃、粵港澳大灣區和「一帶一路」，又表示中央支持香港繼續成為國際

金融中心、貿易中心和航運中心，認為投資者應該對香港未來充滿信心。

特區政府歡迎感謝中央安排

香港特區政府昨日回應十三屆全國人大常委會第三十次會議的相關事宜的查詢時指出，為讓香港社會各界更好地掌握「十四五」規劃綱要中的國家發展戰略和對香港不同範疇的支持，特區政府歡迎和感謝中央下星期將安排宣講團來港，通過多場會議向各界介紹「十四五」規劃綱要，並歡迎外國企業繼續善用香港優勢，與香港攜手把握「十四五」規劃綱要及國家發展帶來的機遇，開拓內地以至亞洲地區的市場；特區政府亦會一如既往地維護所有企業在香港的合法權益。

特區政府強調，中央一直關心香港特區發展及香港市民福祉，全國人民代表大會



●中央下星期將安排宣講團來港，通過多場會議向各界介紹「十四五」規劃綱要。「十四五」規劃綱要提到將深港河套納入粵港澳重大合作平台，圖為香港特區行政長官林鄭月娥早前視察河套地區各項工程和計劃的進展。 資料圖片

及其常務委員會作為國家最高權力機關，其就香港事宜所作的決定，均是以香港利益為依歸，特區政府定當全力支持、執行及配合有關決定。

特區政府又表示，全國人大常委會過去一年多的兩項重大舉措，即去年6月制定香港國安法，並在香港頒布實施，及在今年3月通過新修訂的基本法附件一和附件二，完善香港特區選舉制度，既為香港解決迫切的問題，亦展現了對「一國兩制」方針的堅持。事實證明，香港的法治沒有

絲毫受損，其作為國際金融中心的地位穩健如昔，加上國家發展為香港帶來大量機遇，我們相信企業對在港營商及投資充滿信心。

中央宣講團首場宣講會將於下周一在特區政府總部舉辦，上午10時至下午12時半會作網上直播，市民屆時可登入webcast.info.gov.hk或到政制及內地事務局Facebook專頁（www.facebook.com/cmab.gov.hk）收看，港台電視31及港台電視32亦會作現場直播。

下午立會舉行另一場宣講會

立法會秘書處日前回應傳媒查詢時表示，立法會下周一將舉行「十四五」規劃綱要講座，由中央有關部門領導主講。講座將介紹國家規劃與香港的關係，國家「雙循環」建設的總體考慮，以及對香港發展的機遇，預計講座歷時兩小時，邀請全體立法會議員出席。根據立法會日誌，講座於當日下午4時在立法會宴會廳舉行。

李家偉着草英國想「回家」 網民：歡迎自首



做做吓區議員着咗草攞炒派前屯門區議員李家偉日前接受媒體訪問，自爆自己原來早於今年3月已着草英國，但佢有BNO護照，喺英國一直未有正式居留身份，又面臨生計問題，嘅家最想做嘅事就係「盡快回家」。神又係你，鬼又係你，有網民就揶揄，呢啲就係攞攞攞，又有人話其實想返嚟攞買張機票就得，搞咁大陣仗唔知又想點？唔知係咪想情緒勒索英國政府，想佢哋快啲俾居留權佢呢？

李家偉係攞炒倡議人之一，舊年曾簽署「墨落無悔」聲明，又組織職家已經解散嘅所謂「公民議政平台」，仲喺去年7月報名參選立法會區議會（第一）功能界別。

佢係英國接受「美國之音粵語網」訪問時話，隨着香港警方今年1月拘捕攞炒派「初選」嘅參

與者，但就意識到自己有「危險」，於是喺今年3月離港赴英，但就有辭去區議員議席，直到7月先被政府取消資格。遠在英國嘅佢仲要詭辯：「不辭職是因為覺得區議員這個身份其實仍然能夠幫到人，仍然可以做到一點事。」

訪問賣慘 網民笑難民都不如

李家偉喺訪問中賣慘，話自己有BNO護照，未有正式嘅居留身份。喺剛去到英國時，只得住喺支持攞炒派嘅海外港人家庭一至兩個月，其間幫其他潛逃去英國嘅黑暴分子寫讀書推薦信或是庇護求情信，但當做了一段時間，有咩工作經驗嘅佢就「慢慢摸索他還能做什麼，發覺自己沒有頭緒，因為他連一個月後自己究竟會在哪裏、到時會發生什麼事，都完全沒有答案」。

佢又喺訪問中「真情流露」：「現時，自己想做的事，或者能夠做的事就是，希望做到盡到一切方法，令到自己可以盡快回

家，我想這個現在是我或者很多流亡的人在想的事。」

唔少網民都笑有人一廂情願去英國，難民都不如。「Phoebe Lai」揶揄：「可以申請難民身份啊！或者試下（吓）申請政治庇護咁嘛！番（返）嚟香港就免啦！」「Agostinho Chok」就話：「唔係做難民英國佬會照顧佢地（哋）……」「Greg Ma」就話：「人哋都未曾承認過你，你一廂情願就得喇咩。你乳名係咪叫『天真』？」

有網民就歡迎佢返來自首。「呂顯宗」話：「李家偉忘了阿爺姓什麼，沒有一點骨氣，跟人逃亡，如垃圾般被扔了出來。醒醒，李家偉，快快回來，改過自新。」「Orville Gold」就建議：「篤灰，做污點證人應該有機。」

習慣攞攞炒派套路嘅網民都幾



●李家偉日前接受媒體訪問，自爆原來早於3月已着草英國，最想做嘅事就係「盡快回家」。李家偉fb截圖

有敏感度，「Melody Chau」就突破盲腸：「買張機票返嚟就得，佢咁講究竟想點？」「Choi Leung」就答：「無錢，眾籌。」

●香港文匯報記者 黃書蘭

網民鬧爆曾振興扮慘呢錢



日前有畏罪着草攞攞炒派政棍又眾籌，網民直情話佢哋係「乞兒」。「屯門社區網絡」成員、前屯門區議員曾振興（綽號「興爸」）日前喺facebook出「道歉啟示」，自爆自己已離港一個月，又話自己「財政壓力重大，仍未儲夠簽證費用，未有穩定收入」云云，仲喺文末附上patreon網上眾籌戶口連結，叫「手足」課金「俾啲細路同『興爸』少少『零用錢』」。有網民就溫馨提示，騙徒手法層出不窮，叫大家小心啲。

又話搵工做 附眾籌連結

曾振興與嘅做屯門區議員期間做埋唔少衰嘢，好似喺修例風波期間，有黑衣魔嘅疫情下入侵區內商場發動所謂「和你唱」非法集會。當警方驅散有關人等時，曾振興就同班同夥以所謂「了解」

情況為名，阻礙警方執法。早前傳出區區議員宣誓中被裁定違誓或宣誓無效者會俾政府考慮追討薪津後，曾振興就隨即辭職。

不過，曾振興就喺所謂「道歉啟示」中自吹自擂，講到自己有冇怕，離港只係為咗「家人」，「個人連坐監都已經有心理準備，又怎怕破產。然而家人一句『破產會搞到屋企人嚟』，令我直面我從政唯一軟肋：家人。」佢更稱「從不只一個渠道收到『警告』」……安排好有人能在兩星期內保護屋企人不被「擄走」，最後才趕忙帶着三數萬現金（因怕連戶口也被凍結）與大女一同離港。」

跟住佢又示範自相矛盾，一邊話自己「雖財政壓力重大，仍未儲夠簽證費用，未有穩定收入，但我會繼續努力尋找工作……」，但又喺文末附上patreon眾籌連結。

網民笑有人吹水唔抹嘴

唔少網民就笑有人吹水唔抹嘴。「Tony Lau」話：「『不被擄走』？你吹大喇叭。你有冇照下塊鏡你何德何能？」「Jane K Miller」就質疑：「破產真的會攞（搞）到屋企人嗎？」「Kitty Yu」都鬧爆：「之前重（仲）係（啲）Facebook扮上緊保險經紀course，又話原址搞乜團購優惠cap水，原來著（着）草丟下d（啲）手足。」

「Tai Hung」揶揄：「你都是一早鋪好晒（晒）後路啦，扮野（嘢）扮咁耐，居民仲以為你人在香港……有無論過安排埋d（啲）議員助理走呀？」「Maris Chan」就話：「『乞衣（兒）興』成個澤豐為你蒙羞，之前想搵你幫手，做議員（議）辦成兩、三點先開門，日日呢鐘、呢政府糧，估唔到你去到英國都繼續嘅飯食。」「Sindy Hung」就溫馨提示其他黃絲：「騙徒手法層出不窮。」

●香港文匯報記者 黃書蘭



●曾振興自爆已離港一個月，叫「手足」課金「俾啲細路同『興爸』少少『零用錢』」。曾振興fb截圖

李國章獲任基本法委員會委員

香港文匯報訊（記者 文森）第十三屆全國人大常委會第三十次會議昨日上午在北京人民大會堂閉幕。會議經表決通過多個任免案，包括補充任命行政會議成員、港大校委會主席李國章為全國人大常委會香港特別行政區基本法委員會委員。李國章昨日在回應時表示，很榮幸獲委任為委員，會與其他委員共同努力，確保基本法繼續維護「一國兩制」，促進香港安定繁榮。

第五任基本法委員會任期由2018年6月至2023年6月30日，惟原委員劉迺強於2018年11月離世，其席位一直空缺。是次李國章獲補充任命，是填補劉迺強在逝世後懸空的席位。

李：肩負重任維護「一國兩制」

李國章昨日在回應傳媒查詢時表示，很榮幸獲任命為基本法委員會委員，深感肩負重任，期待與其他委員共同努力，確保基本法繼續維護「一國兩制」，促進香港安定繁榮。

基本法委員會副主任譚惠珠昨日接受傳媒訪問時表示，李國章是香港委員熟悉的人物，有擔當、有見地，具備行政、教育、金融等不同社會事務的背景，曾出任中大校長，在擔任行會成員等公職時更屢有佳績。

她續說，基本法委員會的成員毋須全是法律界人士，李國章在中央與地方關係、基本法工作等範疇都有認識。隨着全國人大常委會這幾年基本法方面的工作增加，相信他會提出很好的意見。

全國港澳研究會副會長劉兆佳表示，劉迺強並非法律界中人，他離世後其席位已懸空甚久，估計中央是希望找尋一位非法律界、熟悉香港事務、社會地位崇高、行事作風果斷、愛國立場堅定可靠的人來擔任基本法委員會委員。

周永康：有騙子打民主旗號行騙



攞炒派勁鍾意掀爛塊面、大話連篇咁要呢鬆人，唔少阿茂阿壽都吹到自己「身陷險境」，求「手足」課金着草，搞到嚟同路人都睇唔過眼。「香港學聯」前秘書長周永康日前就係咁開地圖炮：「真係好無奈同非常憤怒……又再聽到一些打住香港民主運動旗號的騙子到處行騙、捏造事實、自吹自擂，人都癲。」

呢個月18號，港大4名悼念銅鑼灣「孤狼式」兇徒嘅學生被捕，「612人道支援基金」稱將有序地停止運作，呢啲消息一出，周永康就喺facebook發帖



●周永康係咁開地圖炮。

周永康fb截圖

話，「真係好無奈同非常憤怒。……又再聽到一些打住香港民主運動旗號的騙子到處行騙、捏造事實、自吹自擂，人都癲。你唔驚俾人踢爆啲咩？以為真係可以瞞（瞞）天過海？」

唔知周永康又見到同路人也行為呢？而攞炒派前葵青區議員周偉雄都留言話：「人心險惡。」唔知係咪都知啲內情，好多人都留言叫佢哋開名，不如就如大家所願等啲「問題」同路人見吓光啦。 ●香港文匯報記者 黃書蘭